

جریدہ علمیہ

مشیتِ جلیلہٗ اسلامیتِ نابِ جریدہٗ راسمیتِ سید

رمضان ۱۳۲۷

عدو ۴۶

آیدہ بر نشرِ اولنور

دوبئی سنہ

باب فتویٰ مأمورین قلمی مجیز لکنه قلم مذکور برنجی صنف خلفاسندن حافظ
اسماعیل حق اقدی ترفیعاً، معاشات ولوازم قلمی حساب مأمور لفته محاسبه قلمی
کتابه سندن برهان الدین اقدی نقلاً تعیین بیورلمشدر .

* *

دائرة جلیله مشیختپناهی مدیریته اسکی شهر بلدیسی مفتش لکندن منفصل مفتی
زاده سروری اقدی تعیین اولومشدر .

* *

مدرسة القضاة کتابتبه کوتاهیله فتح زاده صادق اقدی تعیین اولومشدر .

(صیام شهر رمضان)

شهر رمضان صیام (بنی الاسلام علی خمس شهادت ان لا اله الا الله وان محمداً رسول الله
واقام الصلاة وابتاء الزکاة وصوم رمضان وحج الیت لمن استطاع الیه سبیلاً)
حدیث شریفی موجب جہ کلمه شهادت نصر کره ارکان خمسہ معظمه تک اوچنجیسی وطبعاً
هوای نفسانیک احتراصاتنه مغلوب اولان نفوس طاغیه بشریه تک تأدیب و تهذیب الیه غایه
کالیسنه اصماد واعلاسنه ذریعہ الیه اولان مشروبات مقدسه تک برنجی سیدر صیام رمضان
اون اوچ عصر اول عالینه رحمت طامه اولارق شمشعه اقبال وطنطنه اجلال وسلطنتیله انسانلره
نشر فیوض هدایت ایدرک یشامش و یوم قیامتہ قدر عزت وسلطنتیله یشامسی من طرفاه
مقدر بولنش اولان دین مبین اسلامک تمثال سلطنتی اولان شعائر مفخمه می جملہ سندن در
دین اسلامک کره ارض اوزرنده باعث فخر مباهات مسلمین اولان یکانه
مثلی ارکان خمسہ اسلامیه تک مرعیت و محفوظیتی در که بو مرعیت بمحمد اه تعالی اون
اوچ عصر دنبری دنیانک هر بر طرف قسده قائم و دائم بر شرف اولوب بو ایسه
بالخاصه علویت اسلامیه تک آیات بیناتندن و صاحب دین اولان جناب فخر الانبیانک
معجزات بامراتی جملہ سندن بولمشدر . سلامت عالم وسعادت نی آدم ایچون حیات
انسانیه تک لازم ضروریسی اولان تأدیب و تهذیب نفوسک بر مشروع عالی الهیسی
اولان صوم رمضان فرائض قطعیه و ضرورات بدیهیه اسلامیه دندر که بو حقیقت کتاب
وسنت اجماع امت ودلیل عقلی الیه ناپتدر . کتاب (یا ایها الذین آمنوا کتب علیکم الصیام
کما کتب علی الذین من قبلکم لعلکم تتقون) (فمن شهد منکم الشهر فلیصمه) آیت جلیله لریدر .

سنت ، بنی الاسلام علی خمس شهادة ان لا اله الا الله وان محمداً رسول الله واقام الصلاة وایتا الزکاة وصوم رمضان وحج الیت من استطاع الیه سبیلاً (وحجة الوداعده ایراد بیوریلان) ایها الناس اعبدوا ربکم وصلوا خمسکم وصوموا شهرکم وحجوا یتکم وادوا زکات أموالکم طیبة بها انفسکم تدخلوا جنت ربکم (حدیث شریف لریدر . اجاع ، امت اسلامیه شهر رمضان صیامک فرضیته اجاع اتمشدر . یو فرضیتی کافردن ماعداسی انکار ایتمز . معقول ، اولاً صوم رمضان شکر نعمته وسیله در . زیرا صیام ، اکل و شرب و جاعدن امسا کدر . اشبو اوج شی ایسه نعمتک اجل واعلا قسمندن در . یونمترلدن شرعاً معین بر زمانده چکینمک آنلرک قدرینی بیلیمکه سبب اولور . چونکه نعمتک وار ابکن قیمتری مجهول اولور . مفقودیتلرنده قیمتری بیلنور بو حال صائی نعمتک شکر ایله قضاء حقنه سوق ایدر شکر نعمت ایسه عقلاً و شرعاً فرضدرکه آیت صیامده (لعلکم تشکرون) بیوریلیمسیله بوکا اشارت بیورلمشدر .

ثانیاً صیام رمضان وسیله تقوادر . چونکه صائمک نفسی رضاء باری آرزوسیه و الیم عقاب الهی خوفیه حاللدن چکینمکه اتقاید ایدر ایسه حرامدن چکینمکه اتقایدی اولی اولمش اولور . بو حالده صوم محارم الهیهدن اتقایده سیدر محارم الهیهدن اتقا ایسه فرضدر . آیت صومک نهایتده (لعلکم تتقون) بیوریلیمسیله ده بوکا اشارت بیورلمشدر . ثالثاً صومده قهر نفس ایله کسر شهوت واردر . نفس ، طویدینی زمان شهواتی اوینیر و آنلرک آرزوسنی اجرا ایتک ایستر و آجیقیدینی وقت بو آرزولرندن واز کچر بوسیله درکه رسول الله صلی الله علیه وسلم افندمز حضرتلری (من خشی منکم الباء فلیصم فان الصوم له وجاه) بیورمشدر . بناء علیه صوم معاصیدن امتناعه دخی ذریمه اولوب معاصیدن امتناع ایسه فرضدر . ایشته شوا اعتبارله ده صوم رمضان فرض اولمشدر .

بناء علیه صوم رمضانی انکار ایدن کافر اولور و نهار رمضانده علناً بلا عذر تعمداً اکل و شرب ایدن کسه دین ایله استهزا و دیندن اولدینی بالضروره ثابت اولمش اولان بریشی انکار ایلمش عداوله جفندن قتلی مشروع اولور . (من اکل او شرب فی رمضان بشهرة عیاناً متعمداً یؤمر بقتله لان صنعه دلیل الاستحلال « من صوم البزازیة فی الثالث » دین عالینک صیام کبی بر حکم ضروریسنی ترک واستخفافه سوق ایدن حال انسانک مجبول اولدینی هوای نفسانی و طغیان شهوانی در هوای نفسانی عقلک تفکرات صحیحه سنه مانع اوله جق اسباب و دواهی به وبالخاصه عقلی کنیدینه رام ایده جک سرمایه مکرواغفال مال کدر .

هوای نفسانینک تفکرات صحیحه عقلیه به غالب اولان اسباب و شهواتی مختلف اولوب
بونلر بالخاصه کنجخلده اغلبدر ، بو اعتبار ایلهدرکه مقتضای هوایه مغلوبیت خصوصتمده
کنجلك اسباب معذرتدن عذ اولنقی طاعت اولمشدر .

« کل یری ان الشباب له »

« فی کل مبلغ لذة عذر »

هوای نفسانی اغفال ایدرکن مکر و حیلله سنی اخفا ایدرک افعالندن چرکین اولاننی کوزل
مضرتی ، منفعت صورتنده کوستور .

بوده ایکی شیدن نشأت ایدر اولان : نفسک برشیئه میلی اولور نفسک اوشی حقیقده کی
حسن ظنی اولشیده کی قببحک خفی قالمسنه باعث اولور . نفس شدت میلندن اول شیء کوزل
کوروره ذاتاً نفس انسانیه اسهل ولان شیء دائماً محمود واعسر اولان شیء مذموم در قاعده سنه
تبعاً کندیتی صیقل و حظوظ منت هیچ بریسندن و از یکمک ایستمز ، بناءً علیه هر درلو
قید و حدی آتوب سربست اوله رق هوای نفسانی عالمده یشامقی ایستر .

دوشونمز که هوای نفسانی هر درلو ایله که مانع و قانون عقل و حکمت معارض و مدافعه در
قبائح اخلاق انک نتیجه می و فضاخ اعمال انک تمثالیدر . انسانی بدنام ، رسوای اقام ایدر .
هوای نفسانی طوغریدن طوغری به درکاته سقوطدر ، مذلت لازمه در .

ان الهوان هو الهوی قلب اسمه

فاذا هويت فقد لقيت هوانا

هوان و مذلت نفس ، هوادرکه اسمی قلب اولتمشددر هوای نفسه تابع اولان هوان
و مذلته گرفتار اولمشدر .

هوای نفسانی حقیقده هر نه سویلنسه هب - حقیقت محضه در ادبی ، شعری بر خیال دکلدر .
و اولبابده کتب شرعیه ده موجود اولان بتون سوزلر انوار رحمت آلهیه در .
بناءً علیه هوای نفسانی لسان شرعه مهلکاتدن معدوددر کتب حدیثیه انس
بن مالک حضرت نرندن تخریج اولتان حدیث شریف (ثلاث منجیات خشية الله تعالى
فی السر والعلاية والعدل فی الرضا والغضب والقصد فی الفقر والغنا وثلاث مهلكات هوی
مبتغ و شح مطاع و اعجاب المرء بنفسه)

منجی اوج شی وارددر (۱) سر و علانیتده خشیه الله (۲) رضاده غضبه عدالت (۳)
فقرده ، غناده ، وسطی حرکت .

مهلك دخى اوج شى واردرد (۱) كنديشنه تبعيت اولئان هواى نفسانى (۲) كنديشنه اطاعت ايدبلان بخل و خست (۳) كشيك كندى بكنمى ينه رسول الله صلى الله عليه وسلم طاعة الشهوة داء و عصيانها دواء « بيور مشدر. شهوته اطاعت در دويلا و آكا عصيان دوا در. جناب فاروق اعظم عمر بن الخطاب حضرتلى (اقد عوا هذه النفوس عن شهواتها فانها طلعة تنزع الى شر غاية ان هذا الحق ثقيل مرى وان الباطل ضعيف و بى و ترك الخطيئة خير من معالجة التوبة و رب نظرة زرعت شهوة و شهوة ساعة اورنت حزناً طويلاً) شونفسلى شهوتلرندن منع ايديكز چونكه انلر هوا و هوسلرينه زياده ميالدر اك فنا برغايه اك مهلك بر نتیجه ميل ايدرلر ظاهر و اشكار اولان شوحق ، آغردر فقط هضمى آساندر. باطل ايسه خفيفدر فقط مضردر . خطايي ترك ايتك ، توبه ايله اوغراشمقدن خير ايدر . جوق باقىش واردركه شهوت اكدر جوق شهوت ده واردركه اوزون كدر كتيرير . حضرت على بن ابى طالب رضى الله عنه (اخاف عليكم اثنين اتباع الهوى و طول الامل فان اتباع الهوى يصد عن الحق و طول الامل يفسى الآخرة) .

سرك ايجون ايكي شيدن قورقارم . برى هواى نفسانى به اويى ديكري اوزون املدر . هواى نفسانى حقدن منع ايدر . طول امل آخرى اونوتدورور . بونلر لفظى موعظه دكله عين حق ، عين حقيقتدر بوسوزلى سويليان ذوات فخيমে انسانيتك اك بوكسك رجائندن و حقائق كونه و عواقب امورك اعماقه نفوذ ايدن اعظم ايمدندر . بناء عليه سوزلى اك قيمتدار جواهر حكمتدر . هشام بن عبد الملك بن مروانك

(اذا انت لم تعص الهوى فادك الهوى)

الى كل مافيه عليك مقال)

سوزى عين حقيقت دكيدر . سن هواى نفسه عصيان ايتيوب بالاكس اقتياد ايدر ايسهك حقدنه موجب مقال اولان قباله كوتوروز . ينه شاهرك :

اذا المرء اعطى نفسه كلما انتهت ولم ينهها تاقت الى كل باطل
و ساقط اليه الاسم والعار بالذى دعه اليه من خلاوة عاجل

يبنى ده جومر حكمتدر . خلاصه هواى نفسانى مطيه فنتدر و هر بلانك منبعيدر . انسانلرده هواى نفسانى ، عادتا بر مبعوددر ايشته عبد الله بن عباس رضى الله عنه

حضرتلری بوحقیقتی سولیش و آیت کریمه ایله مدعاسنی تأیید ایلشدور (الهوی اله یهد من دون الله ثم تلا افرأیت من اتخذ الهه هوا) بالعموم شهوت ایله هوس ارمسندگی فرقه کلمجه هوا ، افکار و اعتقادات و حسیاتدر شهوت ایسه تلذذاته مخصوصدر بناء علیه شهوت نتایج هودان معدوددر هوی شهوتک اصلی در و شهوتدن اعمدر .

عباد هوا و عید شهوات اولاندردرکه نفوسک رشاد و صلاحته خادم اولان حقایق کوره منزل چونکه هوا ، ، طابتا برهمادر صدای حق ایشتمزلر چونکه هوا برصمدر .
آنلر هواثیات ذاتیه لرینه مفتون و مغلوبدرلر « حبك الشیء یمی ویصم »
هوا ، نفسه حاکم اولور ایسه هلاک و یالکه دارایدرد . هواثیات نفسه خفیفدر و طاعتی در بناء علیه محبوبدر حق ایسه آغیر و آجیدر بناء علیه منفوردر .

ایشته بوجبلیتده بعض انسانلر واردرکه ، انسانیتک بر جسمانیت حیوانیه دن عبارت اولدیفنه قائلدرلر .

آنلرجه انسانیتده جسمانیت حیوانیه خارچنده علوی هیچ بر مفکوره یوقدره ، علوی مفکوره آنلرجه بر خیالدر مفکوره وار ایسه جسمانیت حیوانیه نک بتون احتراصات و اشتهاثیات قولا یجه استیفا ایتک و تقادم ازمان ایله بو حالک تناهیسنه میدان ویرمامکدر .
علوم و فنون منحصر آ بو مفکوره حیوانیه یه اله هواثیه خادم و آنلر احتیاجات و حظوظ و مشتهیات متنوعه سنه متنوعه سنه متعلق افکار و مطالعات و اقوال و اشکال و حکایاتدر بناء علیه اله هودان غیری هیچ بر مفکوره نک وجودی غیر متصور اولنجه اله هوایه خادم اولمیان واکا متعلق و آندن منبعث بولمیان هیچ بر عالمک هیچ بر حق و حقیقتک بر دستور و حکمتک وجودینی قبول ایتزلر .

آنلر بو ذهنیتله آرتق هواثیت و بهمیت فوقنده بر مفکوره علویه یه قائل اولانلری کندیلرینک ترتیب ایتدکری انسانیت قادرو سندن خارچ عد ایدرلر .

حالبوکه حقیقتده انسانیت بهمیتدن عبارت دکلدرد ، انسانیتک مساعی حیاتیه سنده بهمیتک فوقنده هر حالده بر غایه علویه واردر (بوکسه لکه یرک بو یر دکلدرد دنیا یه کلیش هنر دکلدرد) و حقیقتده وجود ، انظار جسمانیتک قاصر اولان ادرا کنه صرئی اولان بیان شو حجر ، شجر ، ماء و تراب و هوا ، و نمادن عبارت دکلدرد (ذلك لمن کان له قلب اوالقی السمع وهو شهید) و بونلرک دخی حقیقی مجرد سطوح ظاهریه و صور مشهوده سنه

مقصود دکلدر. وجود مطلق نهاده مادیات نهاده مجرداتدن عبارت دکلدر وجود مطلقده طبیعت اولدینی کی مابعد الطبیعه دخی داخلدر .

مادیاتکده البت برب و اب الاهی وارد مادیاتده اک صوکل اب الالب اولان شی انجیق ادراک بشریتک صوکنجیسیدر یوقسه حقیقی اولان لب انتهائی دکلدر نته کیم بو قاعده تامایله معقولانده دخی جاریدر مرئی اولان مرهانکی بر شی خقنده کی حکمک درجه اصابتی رائیده کی قوه باصره نک درجه قوتنه فابعدر مرهانکی بر مرئی خقنده اولان حکم قطعاً مریتک ماهیتک عینی اوله مر .

حکم مذکور رائیده کی قوت باصره نک واصل اوله بیلدیکی درجهیه قدر اولان بر حکمدن عبارتدر دها ایلرینسی دها قوتلی اولان باصره کوردر . حظوظات و مشتهیات بهیمیه یی استیفا ایدرک یشامقده اولان مرهانکی بررائینک قوه ادراکیه سی هیچ بزوت بهیمیتدن ، یوقاریه جیقاقر ذاتاً جیققی دخی ایسته ضر آنک عندنده حقیقک مبدأ و متناهی بهیمیتدن عبارتدر . حالوکه بهیمیت انسانیتک مرتبه بدایتدر و قبا ناتراشیده دوره سیدر انسانیت مبدأ تکوندن بری بهیمیتدن ، قبالقندن تباعد ایدرک اینجه لک ایستمشدر . انسانیت هر خطوه سنده بواجهلکی ، ییدیکی اتمکده ، ایجیدیکی صوده ، یکننده ، البسه سنده ، یتاغنده ، مسکندنده مشی و حرکتنده سوز سوبلیشندنده اطوار حرکتنده تعقیب ایدرک یورومش و هب هب بهیمیتدن قبالقندن فرتله تباعد ایدرک ایلر یلمشدر .

ننه کیم انسانیتک حال حاضریده اینجه لکه طوغری اولان سیرینک نقطه انتهائیه سی دکلدر انسانیتک قدیم و تمادی اولان بر سیر ضروریسی حقیقت انسانیه نک بهیمیتدن حظوظ و مشتهیات فانیه دن قبا غلیظ و سرت اولان بوسطوح و مرائی جسمانیه دن عبارت اولمدیغه ازلی اوله ورق قناعت اتمش اولدیقه برهان ضروریدر . انسانیت قدیمده غلظت بهیمیتک خارجنده ناعتناهی بر اینجه لک وجودینه ضروری بر قناعت ازلیه اوله سیدی ایلک تکوندنده کی قبالقده قلمسی بوکونه قدر بی نهایته استحاله لرکیه و کده حاضرده کی اینجه لک مرتبه سنه واصل اولماسی لازمکیردی .

حالوکه انسانیت اینجه لکک بو مرتبه سنده ده قالمیه حق و دها یشادقجه خاطر و خیاله کلیان نیجه نیجه یکیلکیر کشف ایدرک کیده جکدر . انسانیت ادوار حیاتیه سنده کچیردیکی استحاله لرده اوزرنده قالن قشور غلیظه یی عین لب ظن ایتمشدر . حالوکه

آندن صکره کی استحالہ لردہ اولک عین قشر اولدینی آکلایه رق آنک التندہ براب
دیگر بولشد انسانیتک آرادینی شی کالدر بهیمیت ایسه ، کال دکل نقصاندر .
بهیمت انسانیتک درجہ سفلیتیدر واک قبا برقشریدر . بهیمیتک فوقندہ اولان مفکوره
علویہ انسانیتک لطیف ، اینجه لیدر . بولک وجودنی طانیانلر ، بهیمیتہ المحصار ایتش
اولان استمداد ذاتیرینک عدم مساعده سیله آنی کورمکه قادر اوله میانلردر .

حالبوکه حواس خمسہ دن برینه مالک اوله میان برانسانک وجودندن اول حاسہ عائد
اولان محسوساتک عدمی لازم کلدیکی کی اول کسه نک محسوسات مذکورہ دن محروم
اولسندن حواس مذکورہ مالک اولنلرک محرومیتی لازم کیلمز . مثلاً اعمانک عدم
رؤیتندن نور وظلمتک عدمی اقتضایتمدیکی کی اھمانک آنلری کورمکدن محرومیتندن
ارباب بصرک بونلری کورمکدن محرومیتی اقتضایتمز . بهیمیت مشربندہ اولانلر ایستدکلری
قدر مفکوره علویہ ی انکار ایتسونلر مفکوره علویہ ارباب بصیرت عندندہ ینہ بدیی
برحقیتدر . ارباب بصیرت عبادہوا کی کور دکلدلر . انسانیت ، بهیمیتدن تباعدله مفکوره
علویہ یه طوغری ایلریلدیکه تراحت نفسیہ یه ، قدسیت روحیہ یه واصل اولور . بهیمیت ایله
تراحت نفسیہ اجتماع ایده من نصلکه سفلیت ایله علویت بر اولامز . تراحت نفسیہ انسانیتک
آرادینی اینجه لکک برغایہ کالیہ سیدر . صوری اینجه لک مدینت انسانیتک درجہ ابتدائیہ سیدر .
تربیہ شرعیہ ایله انسانیت حقیقیہ آکلاشلمدیق . انسانیت همومیه تأدیب و تہذیب سماوی
ایله تراحت نفسیہ یه واصل اولمدیقہ سمادت اقوامک دنیادہ حصولی محالدر ، فردلرک
یکدیگریہ اقوام مالک بربرینہ هجوم و تعدیی توالی ایدر منقطع اولماز . دنیانک هیچ
بریرندہ احتراصات و حقسن تجاوزاتدن بشریت قورتوله ماز . بتون سیاسی ، اقتصادی
اولان محاربات و تجاوزات بشریتدہ هنوز تراحت نفسیہ نک فقدانندن نشأت ایدر . نفوس
بشریہ نک طیفانی سماوی بر طریق تربیہ ایله دفع وازالہ اولنق احتیاجات بشریہ نک انک
مہمیدر . ترقیات بشریہ ساحہ سنده آتیلان خطوہ لر تعلیم دینی دائرہ سنده اولدیقندن
هنوز مدنیتک یلکیز ظاہری ومعافیہ اغراض بهیمیتہ خادم اینجه لکلرینہ واصل اوله یلمش
و تراحت نفسیہ درجہ سہ ارتقا ایده مامشدر . انسانیتک کچیردیکی انقلابلر ، اختلاللر ،
برجوق استحالہ لر هب بهیمیتک جرثومہ سندن طوغمش و آنک آمال و احتراصاتکی تسکین
غایہ نی استهداف ایتشددر .

تاریخی اولان بتون قیامتلر بر سکون ایچین قومش اولدینی حالہ منازعہ لرک

محاربه لرك او كفى آلمق ممكن اوله مامشدر . چونكى مدنيت حقيقه اولان تزاھت نفسيه اساسى وضع ايدلامشدر . بناءً عليه اقوام وملل اره سنده عداوتلر ، شقاوتلر ، جنايتلر تئادى ايدوب طور مشدر

كر چه مناسبات طالمده چوق تبدلار حصوله كمش و انسانيتى غايه خيالى اولان سعادت كوتورمك آرزوسى اظهار ايدلمش ايسده بوسير طبيعى آره سنده ينه ارتجاعى حركتلر اكسك اولامشدر

فرانسه انقلاب كبرى انسانلر اره سنده مساوات ، عدالت ، اخوت اساسلى وضع ايتمش ايسده اون طقوزنجى عصرده حاكميت مليه فكرينه مادر اولمقدن خالى قالمشدر حاكميت مليه فكرى ملترك مقارنت و مخادتنه و بناءً عليه جمعيت دوليه نك تشكليه مانع اولمشدر

حاكميت مليه غير علوى بر ضرور واحتراصدن بشقه برشى دكلدر :
ايشته بوضرور واحتراصدر كه فردلردن باشلايه رق دولتلر اره سنده اشتغال ايتديرديكى نأره فتنه جهان انسانيتك حضور واستراحتنى سلب ايتمش و كيزلى اتقاقلره معاهدات خفيه سببت ويرمشدر موازنه سياسيه قاعده سنى صلح اعجوبه سنى طوغورمشدر بوندن تولد ايدمك بحرب عمومى به مانع اوله جق اسبابك تحريسى مقصدينك سوقيه ۱۸۷۲ تاريخنده لوغانوده طوبلانان صلح قونفره سنده فرانسر شاعرى ويكتور هوغو يازدينى مکتوبده فكر استيلاني فكر اختراعه انقلاب ايتمش كوره جكز ايمپراطورلرك اخوت مفترسه سنى يرينه ملترك اخوت صحيح سى قائم اوله جق . وطنمز حدوددن بودجه ضر طفيليدن ، تجارتمز كوسروكدن ، سير وسفر ضر انكلدن ، تربيه ضر عنف وحيوانيتدن كنجلكمز قيشله دن شجاعتمز قتالدين عدالتمز دار آغاچدن حياتمز جانيتمدن ، اورمانمز قاپلاندين ، صابانمز سونكودن ، ديلمز باغدن ، وجدانمز تحكمدن ، حقيقت بطلاندين عشق غيظ وضرضدن قور تولاجق .

مدنيتك اومدهش اوكرقت اور كومى قوپاجق :
انسانيت وسعادت بحر ينى آيران برزخ منحوسى قير يلاجق : جهانى برموج نور قابلايه جق : بوموج نور نهدر .

حریت ، بوتون بو حریت نه ديمكدر : صلح) سوزلرينى يازمفه شتاب ايتمش ايدى ۱۸۹۹ دهده لاهى صلح قونفرانسى طوبلاندى و انسانى قرارلر ويرمكه باشلادى .

فقط بتون بونار هیچ بر تأثیر یابمدی چونکه هر ملت جهانگیرک سیاستی تمقیده
 اصرار ایدیوردی نهایت کائناتی ، قانلی طوفانلریله بوفان حرب عمومی انفلاق ایتدی .
 شمدی بو حرب نهایت ویرمک اوزره جمعیت اقوام مفکوره علویه می اورتیه
 آتیلدی . فی الحقیقه بو مفکوره تکامل بشریت صاحبه سنده اک معظم خطوه رقیبی تولید
 ایتدیره جک ماهیتده ایسه ده بوغایه نیک انجق جمعیت اقوامک حسن نیت ابله همیز بولنان
 بالعموم ملل اقوامه کشاده بولنسیله حاصل اوله جفی ملاحظه سیله قارشیلانندی ، و بومیانده
 آلمان میلیتاریزمی ده ویرن بو حرب صوکنده حقیقی عدالتلر بر جمعیت اقوام مفکوره لریله می
 نهایت بوله جق یوقسه اون سکزنجی عصر سیاستی کی بوتون نظریه لری تمویضات و موازنه
 لزومی آتنده یاواش یاواش اونوقوله جقمی حرب و منافرت بر یوزندن کاملاً قالفه جقمی
 یوقسه یکی یکی حرب قبولیجیملری می صاچیلایق : یولنده تردد لریله اظهار ایدلدی .
 (ولقد کتبنا فی الزبور من بعد الذکر ان الارض یرثها عبادی الصالحون ان فی هذا لبلاغاً
 لقوم طابدين وما ارسلناک الا رحمةً للعالمین) خطاب جلیلله عالماته رحمت عامه اولارق
 مرسل اولان حضرت فخر کائناتک جناب حقندن تبلیغ ایلدیکی احکام اسلامیه ده
 ضرور ملی بی انایت قومیه می احتیاص و غیظ بشری بی قلع و محو آیدن اساسات عالیه
 مندرج بولنش و اسلامک ظهورندن بری دینه داخل اولان اقوام اره سنده بو کی
 عصبیتلر تماماً مرتفع اولمشدر

دین اسلام تشکل ایدرکن مدنیت انسانیه نیک مرتبه کالیه می اولان تراحت نفسیه
 اساسی وضع ایش و بهیمی قی دفع و تبعید ایلمشدر .

رسول اه صلیا علیه وسلم اقدمن حضرتلری حجة الوداعده ایراد بیوردقلری
 خطبه ده (ایها الناس ان دمائکم و اموالکم علیکم حرام الی ان تلقوا ربکم تکرمة یومکم
 هذا فی شهرکم هذا فی بلدکم هذا الاهل بلغت اللهم اشهد فن کانت عنده امانة فلیؤدها الی
 الذی ائتمنه علیها وان ربا الجاهلیة موضوع وان اول ربا ابدأ به ربا عمی العباس بن عبد المطلب
 وان دماء الجاهلیة موضوعة واول دم نبأ به دم عامر بن ربیعة الحارث بن عبد المطلب
 وان مآثر الجاهلیة موضوعة غیر السدانة والسقابة (ایها الناس انما المؤمنون اخوة ولا یحل
 لامریء مسلم مال اخیه الا عن طیب نفسه منه الاهل بلغت اللهم اشهد فلا ترجعن بعدی
 کفاراً یضرب بھضکم ، رقاب بھض فانی قد ترکت فیکم ما ان اخذتم به لم تضلوا بعده

کتاب الله الاهد بالقت اللهم اشهد ان ربکم واحد وان اباکم واحد کلکم
 لادم وادم من تراب ان اکرمکم عندالله اتقاکم وليس لمرئی علی عجمی فضل الا بالتقوی
 الا هل بلغت اللهم اشهد قالوا نعم قال فلیبلغ الشاهد الغائب) بیورمشدر .
 بناءً علیه فرانسه انقلاب کیرینک فرانسه ایچون تمیم ابتدیی حریت و مساوات ،
 عدالت ، اساسلرینی و یقینور هوغونک توصیه ابتدیی افعال و حرکاتی رسول اه صلی اه
 علیه وسلم اقدمن حضرتلری اون اوج عصر مقدم تأسیس و توصیه بیورمشدری .
 جمیات بشریہی مهلك مزمن مصائب جهانشمولدن خلاص ایتک مسعودتی
 نه صلح قونفرانسی ، نه ده جمیت اقوام مفکوره سیله استحصالی اولنه من کرجه بو مفکوره
 بشرتی مصائب دهریه دن قورنارمق ایچون تجملات ظاهریه فوقنده مرتبه حقیقه
 انسانیه طوغری سیر و حرکت لزومک اورتق جهانده تقدیر اولدیفنک بیوک برهانی
 اولنله انسانیتک ظاهری اشکاله ، بهیمیت و حیوانیته منهصر اولدینی ذهابنه قارشى
 بالعکس علوی بره مفکوره ایله نزاهت و ملکیت نفسیه طوغری بر مرتبه کالیه می
 اولدیفنی ادعا ایدنلر نامنه بره معجزه عمومی ماهیتده اولدینی آشکاردر .
 بو حال حقیقت اسلامیه نک جهان نظرنده انکشاف و تجلی ایده جکنه بر علامت عظمادور .
 یاخود نبوت محمدیه نک عالمان آره منده اثبات حقایق ایله جکنک نوظهور برارها صیدره
 نبوت محمدیه نک عالم تلقین و اسناع ابتدیی حقیقت علویه نک روحی محاربات عمومی
 جهانی قارشولمق و آکا مانع اولمقدردن بنیاده ذات طالی محمدینک تعالیم سنیه سی دائره منده
 مفکوره علویه انسانیت تقرر ایتدیکه و ماهیت انسانیت بر جسمانیت حیوانیه دن عبارت
 اولدینی ذهنیتیه ساده جسمانیت حیوانیه نک تسکین احتیاجاته حصر مساعی و قصر
 تشبثات اولنه رق افکار و انظار بشریت بتون بوجهته العطف و بتون احتیاجات قلبیه و اجتهادات
 دماغیه بو نقطه یه توجیه ایدلرکجه بشریت ایچون مصائب و فلاکتلردن رها ایله سعادت ابدیه
 وصوله امکان یوقدر بناءً علیه بوسعادت بشریه نه صلح قونفرانسی نه جمیت اقوام نه حقوق
 دول قواعدی اصلاً بخش ایده ماز بو خصوصی حل و عقد ایچون انعقاد ایدن بتون
 قونفرملرک جمعیتملرک اجتماعات و مذاکراتنک نتیجه سی
 بی مصلحت انجمن آراستند
 نشستند و گفتند و برخواستند
 حقیقتی تکراردن عبارت قاله جنی الک آشکار اولان بر قضیه در .

بشريتك ابدى فلاكتلردن خلاصيله سمادت باقيه وصولى آنجى انسانيتك بر
جسمانيت حيوانيەدن عبارت اولدينى فكرندن فراغتله انسانيتك بر مفكوره علويه
اولديغه ايمان ايتك وبو مفكوره وصولك اسبابى آرامقلا حاصل اولور بشقه هيچ
چاره يوقدر جهانك هانكى بر نقطه سنده اضطرابات و آلام انسانيه ي موجب بر فلاكت
تحدث ايتسه مفكوره علويه ايمان ايتەنك لزومى اخطار وبو مفكوره عظمت وحقانيتنى
اوراده اظهار ايدر .

انسانيتده اولان مفكوره علويه نك بتون جمال وكالى اسلامك دساتير طاليه سنده تجلى
ايتش و آندن انفسك ايدە مامشدر . و يقينور هوغونك صلح قونفر سنده ايصال ايلديكى
مكتوبك توصيه ايتديكى خصوصيات انسانيه اسلامك اساساتندن ملهم بعض حقيقتلردن
عبارتدر . اسلام ، انسانيتك جسمانيتنى بالكلية اهل وابطال ايتماش و فقط انسانيت
حقيقتيه اخلاص ايتمه چك صورتده جسمانيتك حقى اعطا و انسانيت ايچون جسمانيتندن
استفاده اولمىنى امر ايدرك جسمانيتى انسانيتە خادم قيلمشدر .

تزكية نفس ، مكارم اخلاق ، انسانيت حقيقتيه ، دين اسلامده روح مشروعاتدر تزكية
نفس ضروريات و حاجيات و كلياتده اولدينى كى علوياتك استحصال واستكمالنكده
اساساتيدر .

نفس خيئه ضروريات ، حاجيات كليات و علوياتك هوونك عدو اكبريدر . بر
ملكتمده سمادت و فلاكت افراد و اهالى نفوسك طهارت و طغيانه تابع اولدينى كى
اقوامك سمادت و فلاكتده نفوسك طهارت و طغيانه تابعدر .

اقوامك مليت ضروريه يكدىكرينه هجوم و غارتى قبل الاسلام عادات جاهليه دن
اولوب اسلام ظهوريله برابر اك اول بو عادتى رفع و قلع ايدرك بشريته اخوت عامه
اساس قوميى وضع ايتمشدر . اقوام اره سنده مقاتلات سفك دما و تحريب بلادى موجب
اولان ضرور و احتراض مى ضرور نضائينك طوغوردىنى برزاده خيئيدر .

بو جهته دركه دين اسلامك عمدة اساساتى نفس خيئه نك تزكيه سى واك نهايت غايات
كاليه سنده اعلاسيدر . دين اسلام نظر نده اكبر و اصغر فاعلريله ايكي درلو جهاد واردرك
جهاد اكبر نفس ايله اولان جهاد اولوب جهاد اصغر عدو دين ايله اولان جهاددر صاحب
دين اولان رسولاه صلى الله عليه وسلم اقدمن حضرت تبرى جهادلرك برندن عودت

هایونانزده (رجعتاً من الجهاد الاصفر الى الجهاد الاكبر) بیورمشدر بناءً علیه دین اسلامده جهاد نفس جهاد اکبر عد اولتور . چونکی عدو دینک جهادی اکبر اولتی سویله طورسون فضیلتده صلاتک دخی دوننده در (ویدل علیه انه علیه الصلاة والسلام اخره فی الفضیلة عن الصلاة علی وقتها فی حدیث ابن مسعود قلت یا رسول الله ای الاعمال افضل قال الصلاة علی میقاتها قلت ثم ای قال بر الوالدین قلت ثم ای قال الجهاد فی سبیل الله ولواستزدة نرادنی رواه البخاری) جهاد اولویتله ایمانندن مؤخردر (وجاء تأخیرده عن الايمان فی حدیث ابی هريرة المتفق علیه قال سئل رسول الله صلی الله علیه وسلم ای العمل افضل قال ایمان بالله ورسوله قبل ثم ماذا قال الجهاد فی سبیل الله قبل ثم ماذا قال حج مبرور) جهاد اقصای عباد تخریب بلادی مستلزم اولدیفنه مبنی ذاتاً حسن ده دکلدر، حسن شرعیسی آنده قائم اولان غیر سیله در که اعلاء کلمة اللهدر بناءً علیه جهادده مقصود اصلی بالنفس فعل جهاد اولیوب آنک غیری اولان اعلاء کلمة اللهدر . بوجهتله در که کفرک ارتقاعیله جهادک مشروعتی قالاز

وحتى معاصر حنفیه غنبدنه وجوب جهادک مناطی نفس کفر اولیوب حرابه کفارد . قال الله تعالی (وقتلوا فی سبیل الله الذین یقاتلونکم)، وجوب جهادک مناطی حرابه اولدیفنه مبنی درکه محارب اولیان نسوان و صبیان و رهبانک قتلی جائز اولمز . وینه بوکامبنی در که ویرکو ویرن اهلندن قبول اولتور و مهادهیه احتیاج حاصل اولدیفنی تقدیرده مهادهنک قبول واجراسی لازم اولور . چونکه حرابه منتفیدر حالبوکه کفر باقیدر .

جهادک مناط وجوبی حرابه کفار اولوب بواعبار ایله جهاددن مقصود اولان غایه عباد اللهدن دفع شر اعدا ایله فساددن تطهیر بلاد و کلمة اللهی اعزاز اولدیفنه کوره جهاد شرعی ینه نفوس اوزرندن دفع شر نفوس ایله شری مدفوع اولان نفوسک قبول کلمة الله السلیله تزکیه نتیجه سنه منتهی اولور .

ایشته بوصورتله نفسه قارشی اولان جهاد شرعینک بریسی ده صیامدر فقط کشینک کندی نفسه قارشی اولان جهادی طرف عالی رسالتناهیدن جهاد اکبرتسمیه بیورمشدر خصوصیه اثر شریفده (اعدی عدوک نفسک التی بین جنیک) بیورمشدر . صیام دخی حد ذاته نفسی آچلقله ازجاج دیمک اولقله برابر مالک تعالی طرفندن

آ کا اباحه قلنان نعمتلردن کندیننی آلیقویمقدرد بو اعتبار ایله حسن عد اولنه ماز شو قدرکه نفس اماره انسانک اعدی الاعادیمی اولوب صیام آنی قهر ایله ارتکاب منیات واتباع شهواتدن زجر جهتی متضمندر که زجر مذکور حسندر بناء علیه صیام ، اشبو زجرک حسنی واسطه سیله حسن عد اولنمشدر . کرچه نفس انسانیه بحسب الفطره خیرکده شرکده محلی اولقله برابر معاصی و شهواته دها زیاده میالدر . حتی معاصی و شهوات آنک ایچون بر حال جبلی و بوجبت آشک احراقه مجبولتی منزله سنده اولمی اعتباریله نفسک صیام ایله قهرنده اصلا حسن موجود اولهمیه جفندن تشریع صیامده مفروض اولان قهر نفس بتون بتون درجه اعتباردن صاقط اوله جفته و بناء علیه صیام ، صلاهی حسن ذاتی حائر بر عبادت خالصه عد اولنه جفته ذاهب اولمشلر ایهده بوقیاس و ذهاب ترکیه شرعیه و ریاضت و تصفیه نک نفوس اوزرنده اثبات ایتدیکی نتایج فعلیه سنه قارشى اصلا وارد دکلدر که بونتیایج لسان شمرايه قدر انتقال ایدرک بروجه آنی افاده اولنمشدر .

(وما النفس الا حیث یجعلها الفی فان اطعمت تاقت والا تسلت)

هله اعظم ابرار امتدن بوصیرینک :

من لی بر دجالح من غوايتها	کا برد جالح الخیل باللجم
فلا ترم بالمعاصی کسر شهوتها	ان الطعام یقوی شهوة النهم
والنفس کالطفل ان تملمه شب	علی حب الرضاع وان تقطعه ینفطم
فاصرف هواها وحاذران تولیه	ان الهوى ماتولی یصم او یصم
وراعها وهی فی الاعمال سائمة	وان هی استحلحت المرعى فلا تسم
کم حسنت لذة للمرء قاتلة	من حیث لم یدر ان السم فی الدسم

یتلرنده اهل نفسک غوائل ایله ریاضت و تربیه ایله حاصل اوله جق فوائدک الواضح بر صورتده تصویر بیورلمشدر .

صوم رمضانده قهر نفس مقصدی حسندن طاری بر عبادت خالصه عد اولنه جفی حفته کی ذهاب نصل طوغری اوله ییلور که فتح القدرده آنک حفته بیانات آتییه اتیان اولنمشدر (حق تعالی حضرتلری صیام رمضانی بر طاقم فوائد ایچون مشروع قیلمش اولوب بونلرک اعظمی بری دیکرندن نشأت ایدن ایکی شیء موجب اولمسیدر بر نیجیسی نفس اماره نک کوز ، دبل ، قولا ق ، فرج کی جوارحک جمله سنه متعلق فضولده اولان سورت و شدتی کسرایله آنی تسکین و تهویندر . بوندن نشأت ایدن ایکنجیسی کدورتدن

صفای قلب انسانیدر. چونکه قلبك كدورتی موجب اولان شیر، ديلك، كوزك قولانك
فرجك فضولیدر. بالعموم مصالح شرعيه ايله درجات طالیه ايسه قلبك صفايه منوطدر.
ایشته شو قضیه دخی شریعت اسلامیه ده کی مشروعاتك جمله سی تزکیه نفس و تصفیة قلب
اساسی اوزرینه مستند و آنك ايله برابر درجات طالیه سنه منتهی اولدیغنی مثبتدر.
فی الحقیقه صوم و علی الاطلاق قلت طعام نفس اماره ده موجود اولان شهوات
معاصی بی کسر ایدرك نفس اوزرینه حاکمیتی موجب اولور. سمادت انسانیه نفسه حاکم
و شقاوتی آکا محکوم اولمده در. حضرت عائشه رضی الله عنها (اول بدعة احدث
بعد رسول الله صلى الله عليه وسلم الشبع ان القوم لما شبعت بطونهم جمعت نفوسهم الى الدنيا)
بیورمشددر.

آجلفك كسر شهوات و معاصی الیمنی کرچه صورت ظاهرده فائده واحده دن عبارت
ایسه ده حقیقته خزینه فوائددر بو جهته در که آخلق خزائن الیه دن بر خزینه در
دنیلمشدر.

آجلفك اول منافع اولان شی شهوت سفلیه و شهوت کلامدر آج اولان آدمده
شهوت سفلیه و شهوت کلام او یا نمز بناء علیه صوم ايله قلت اكل ايله فحشیدن، فیتدن یا لاندن
نیمیه دن آفات فرج ولساندن وها اولور چونکه آخلق بونلرك هپسنه مانمدر حالبو که
طویدینی زمان کندیسنه اکنجه آرار بناء علیه ناچار ناسك عرض و ناموسلرینه تعرض
ایدرك آنکه اکنمکه باشلار حالبو که انسانلری جهنمه القا ایدن شی یکنه حصائد السنه در.
شهوت سفلیه نك غائله سی ايسه بك عظیمدر آخلق بونك قنالفندن خلاص ایچون یکنه
چاره در انسان طویدینی زمان شهوات فرجه سی ضبط ایده ماز. تقوای انك ارتکاب
معصیت ایتسنه مانع اولسه ده کوزینی ضبطه مقتدر اولماز زیرا کوز دخی زنا ایدر شاید
او آدم کوزینی یومق صورتیه ضبط ایتسه ده خیالی ضبط ایده ماز. بر جوق افکار خبیثه یه
معروض اولور بناء علیه مردلرلو عبادات و مناجاتی تشویش بو افکار بعضا کندیسنه
نمازده بیله طارض اولور.

وانك ان اعطيت بطنك سؤله

وفرجك تالا منتهی الذم اجمعا

اذا المرء لم يترك طعاماً يحبّه
ولم يمض قلباً غادياً حيث يما
قضى وطراً منه يسيراً واصبحت
اذا ذكرت امثاله تملا القما

عمرو بن العاص

كثرت طعامه امتلاى بطونه شبهه سزكه (بطرواشرى) يعنى طاشقيلنى بوطورائى آزغينلى
مستلزم اولور كه دنيانك فردى اجتماعى مردلر فلاكى بوندن تولد ايدر. جوع ايله قلت
اكل ، وبالخاصه صيام رمضان بونلره مانع اولور بو صورتله نفس طاغيه عجزى ادراك
ايدرك ظلم وتجاوزدن توقى ايدر. چونكه بونكله انسان كنديسنك برلقمه اتمكه بر يودوم
محتاج بر شخص ضيف اولديقى ده اكلار (وبهذا احتج الله تعالى على من اتخذ عيسى عليه السلام
وامه الهم من دونه فقال ما للمسيح ابن مريم الارسل قدخلت من قبله الرسل وامه
صديقه كاما يا كلان الطعام فجعل احتياجهما الى الطعام نقصاً فهما دون ان يكونا الهم)
صومك قهر نفس فائده سندن متولد اولان صفائى قلب فائده سنه كلنجه فى الحقيقه
آجلاق ، قلت طعام ، قلبك صفاسنى قريحه نك ارامسنى بصيرتك نفوذى موجبدر
رسول الله صلى الله عليه وسلم اقدمزندن مروى اولان حديث شريفده (احيوا
قلوبكم بقلة الضحك وقلة الشبع وطهروها بالجوع تصفو وترق) وديكر بر حديث
شريفده (من اجاع بطنه عظمت فكرته وفتن قلبه) بيورلشدر . تلبلكزى قلت
فحك قلت اكل ايله احيا آجلقله طاهر ايديكز بونكله قلبكز صافى ورقيق اولور .
قارتى آج براقان كيمسه نك تضرى عظيم وقلبي فطين اولور .

طوقلق بالمكس بلادت ايراث ايله قلبه عمى كتير بر سرخوشلق كى دماغه بخارك
هجومنه باعث اولور بو ايسه دماغك جولانته سرعت ادراكه مانع اولور . صبى بيله
كثرت اكلدن غى اولور ، كثرت اكل بالخاصه جوق اويقو كتير چونكه جوق بيان
جوق صو ايجر ، جوق صو ايجن جوق اويور كثرت نوم ايله عمر ، ضائع طبعه بلادت ،
قلبه قساوت طارض اولور .

عمر بشر انفس جواهر دركه آنكله اكتساب معالى ايدر . نوم بر نوع اولومدر عمرى
تنقيص ايدر بو صورتله انسانك مكاسب دنويه سنه ده نقصان ايراث ايدر . وظائف انسانيه
ترقيات حياتيه سنه ده مانع اولور چونكه جوق اويقو اويوان طبعاً تنبل اولور .

دع المكارم لا ترحل لبقيتها
واقعد فانك انت الطاعم الكاسي

خطابه سزا برمسكين ديمك اولور .

تشریع صومك فوائدندن بری ده ابنای جنسك فقراسنه ، محتاجین و مساكينه
ضعفاسنه شفقت و صرحتی موجب اولمیدر چونكه صائم، صومه مخصوص اولان برکونده
الم جوعی حس ایدنجه بو المی هرکون چكان کیمسه بی نخطر ایدرك همان آکا صرحت
ایدر، صرحت، انسانده برنوع الم باطنیدر صائم بو المی حس ایدنجه فقیره احسان ایدرك
کفندده اولان الم باطنی بی دفعه شتاب ایدر بو وسیله ایله نزد الهیده حسن مکافاتۀ نائل
اولور .

تشریع صومك فوائدندن بری ده فقرا و ضعفانك هر زمان تحمل ایتدکری مشقته
احیاناً تحمل ایدرك آنلره همحال اولقی صورتیه آنلرك قبلرینی تطیب ایتدکر .

بحسبك داء ان تبیت ببطنة

وحوالك اكا دتحن الى القدر

بونلردن بشقه صوم یمکی کونده بر دفعه به تنزیل ایتک صورتیه تقلیل طعامدر که
معین برمرض سبیلده طعام ایله محتاج تقویه اولان کیمسه لر مستقنا اولقی اوزره علی الا کثر
صحت بدنی مستزیدر برچوق امراضك سببی کثرت طعامدر چوق کره تفضی ، نسبتده
احتراقی موجب حرکتلرك عدم حصولی برچوق امراضك حصوله سبب اولور .

وېك چوق امراضه قارشو طبابت بر چوق طعاملردن همیه ایدلمنی توصیه
ایدركه بوهمیه ایله ارا صره قلت طعام سایه سنده صحت بدن وادامۀ حیات ممکن اولور
(البطنة اصل الداء والحمة اصل الدواء) و (صوموا تصحوا) جمله لری بو حقیقتلری
ناطقدر .

صومك اك صوك فائده می جناب حقل قلب انسانی به بخش ایده . بکی کالات هر فانیه
وفیوض علمیه در که درجات طالباتدر نوکا وصول ایچون نفسك بالجمله مساوی اخلاقیه دن
تطهیریه قلبك علائق دنیویه احتراصاته وانها کندن اغراض شهوانیه و نفسانیه
تمایلاتندن تصفیه سیله منحصر آحقه توجه ایلک لازمدر بو ایسه صیام ایله حاصل
اولور که صیام اعظم محبوبات اولان اکل و شرب و جماعتدن اصا کدر حالوکه مطلوب

اولان کالات و درجات طایبات ساده اکل و شرب و جماعتدن امساکله حاصل اوله میوب
بالمکس جمله علائق دنیویه آنها کندن احتراض و طمعتندن علی الاطلاق اندیشه مطالب
صوریه دن امساک ضروری بولندیقندن اهل عرفانک صومی امور ثلاثه مذکورهدن تنقیح
مناط صورتیه الهی اونوتدیران و فیض آلهنک قلب انسانیه ورود و دخولته مانع اولان
هردرلو اندیشه ما- وادن امساک ماهیتی آلمشدر .

(پادشاه قونمز سرایه خانه معمور اولمهدن)

نصلکه امام بخارینک ابو هریره حضرت تارندن اخراج اولوب کفارت صومه دلیل
اتخاذ اولمش اولان حدیثده رجل سائلک علیته مدخلی اولیان اصرایلدکیله (وقت
علی اهلی فی رمضان) جمله سنده اولوب ینه علیته مدخلی بولمیان (اهل) (وقاع) (حذف
اولنه رق عمدأ هرهانکی برمشها ایله افساد صوم مناسی آلمشدر .

دین اسلامده صیام رمضان تطهر و اصلاح نفوس مصلحتی ایچون مفروض اولمقله
برابر (یریدالله بکم الیسر ولا یرید بکم العسر) آیت جلیله می ایله (الدین یسر و احب الدین
الی الله الحنیفه) حدیث شریفی منطوقتیجه هر نوع مشروعه اولدینی کبی صیامده
دخی یسر و سهولت جهت مهمه می صری بولمش و هردرلو مشقت رفع و دفع ایدلمشدر .
بناءً علیه صوم رمضان فرضنه قارشو سفر ، اکراه ، حبله ، رضاع ، مرض ، جوع
و عطش شدید ، کبرسن عذرلری قبول ایدلمشدرکه بونلرک بعضیسی رمضانده افطاری مرخص
و بعضیسی مییح مطلق و بعضیسی ده موجبدر .

مرض ایکی قسمدر بری مسلم اولان طیب حاذقک اخباریله صوم ایله آرتمی
خوف اولنان مرضدرکه مرخصدر بونده مریض وقت آخرده قضا ایتمک اوزره
افطار ایدر .

دیگری مسلم اولان طیب حاذقک اخباریله صوم ایله هلاکی موجب اولمی خوف
اولنان مرضدرکه مییح مطلقدر . بالمکس موجب افطاردر چونکه بحالده اولان
صومده حق الله اولان وجوب یرینه نفسی تهلکیه القا واردر . موجود اولان حق الله
وجوب دکل حرم القادر . بناءً علیه بوندهده وقت آخرده قضا ایتمک اوزره افطار
مباح واک طوغروسی واجیدر .

کرچه امراض ایچنده صومک کندیسنه نافع و موجب خفت اولدینی مرض دخی

وارد در که بوی بر مرض زمانده صوم، مریض حقنده اکلدن اسهلدر و بالعکس اکل آکا ضرر ویرر خسته لقی آزدریر. ایضای مریض حقنده یسرو سهولت اولان بر شیشه ترخص حقنده موجب شدت اولان شی منع ایله عدم ترخص کبی تعبد قیلندن در .
اوج کونک مسافیه قدر اولان سفر شرعی دخی موجب رخصت اولان اعذار دندر .
مسافر دیلر صائم اولور دیلر وقت حضره قضا ایتمک اوزره افطار ایدر .

حبل ایله رضاع وک حقنده موجب ضرر اولمسندن خوف اولنور ایسه مرخصدر .
حلی و مرضع اولان خانون وقت آخرد قضا ایتمک اوزره افطار ایدر .
صوم سببیه خوف هلاکی موجب اولان جوع و عطش شدید صوم ایله موجب هلاک اولمی خوف اولنان مرض کبی مییح مطلقدر . بونده دخی جائع و عطشان وقت آخرد قضا ایتمک اوزره افطار ایدر .

کبرسن دخی مییح مطلقدر . صومدن عاجز اولان بیرقانی دخی افطار ایدر که
کونک صومی یرینه فدیہ ویرر (وعلی الدین یطیقونه فدیة طعام مسکین) .
دین اسلام عین یسرو سهولت اولوب علی العموم مصالح عباد حکمتی جامع اولسنه
مبنی عبادات زائده و اعمال شاقه ایله اقنای وجوده جواز ویرممشدر . صیام و مضانک
فرضنده دفع وازالهی مطلوب اولان شی انجق فضولدر . وجود بشرک محتاج اولدینی
مقداردن فضله اولان زوائد مضره در بالطبع بوفضول بالجمله اعضایه طأدر .
دین اسلامک یسرو سهولت اولدینی و عامه ناس ایچون اعمال شاقه و طاطات زائده نک
مأموراتدن اولدینی آئیده کی احادیث نبویه ایله ثابتدر .

صحیح بخاریده صوم رمضان حقنده کی حدیث شریفی متعاقب (باب الدین یسرو قول
النبي صلى الله عليه وسلم احب الدين الى الله الخيفة السمحة حدثنا عبد السلام بن مطهر قال
حدثنا همر بن علي عن معن بن محمد القفاري عن سعيد بن ابی سعيد المقرئ عن ابی هريره رضي الله
عنه عن النبي صلى الله عليه وسلم قال ان الدين يسر وان يشاد هذا الدين احدا لا غلبه فسدوا
وقاربوا وابشروا واستعينوا بالغدوة والروحة وشئ من الدلجة) : حدیث شریفی مندر جدر
مأل شریفی شودر (دین یسر در دینک جناب حقه اك سوکیلی اولانی باطلدن اوزاق حقه
متوجه و سهل اولاندر . دین یسر در بودینده رفق سهولت طرفتی ترك ایله قویوسنه کیدر که
آنی یکمه یه تصدی ایدنی دین مطلقا مقلوب ایدر . بناء علیه عملده افراط و تفریطدن حذر

ایله وسطی التزام ایدیکز . دینک اکمل اولان طرفی ایضیه قادر اوله مدیفکیز تقدیرده
اکله قریب اولانی اجرا ایدیکز وعمل مقابلنده ثوابه نائل اوله جفکزه مطمئن اوله ورق
سویتمکیز واعمال و طاماته دوام واقدام سیر و سفره شبیه اولدیضدن هر مسافرك انتخاب
ایتمیکی اوقات نشاط اولان غدوه روحه ایله دلجه نك برقمی ایله استمانه ایدیکز غدوه
کونک باشند زواله قدر ، روحه زوال شمسن کیجه به قدر اولان زماندر دلجه کیجه لین
یوله کیتمکدر .

کذلک بخاریده (باب قول النبی صلی الله علیه وسلم انا اعلمکم بالله وان المعركة فعل القلب لقول الله
تعالی ولكن یؤاخذکم بما کسبت قلوبکم حدیثنا محمد بن سلام الیکندی قال اخبرنا عبدة عن هشام
عن ابيه عن عائشة قالت کان رسول الله صلی الله علیه وسلم اذا امرهم من الاعمال امرهم بما یطیقون
قالوا انا لسنّا کهیئتک یا رسول الله ان الله قد غفر لک ما تقدم من ذنبک وما تأخر فیضب حتی یعرف
الغضب فی وجهه ثم یقول ان اتقا کم و اعلمکم بالله انا) حدیث شریفی مندر جدر مال شریفی حضرت
عائشه بیورمش که رسول الله صلی الله علیه وسلم اقدم من حضرت تری ناسه هر هانکی برهمل ایله
امرا ایدیکی زمان آنلرک تحمل ایدیله جکاری و بناء علیه دوام و مواظبت ایده جکاری عمل ایله
امر بیورور ایدی . ناس بواصره جواباً یا رسول الله بزینک کبی دکیز حق تعالی حضرت تری
سینک متقدم و متأخر ذنبی مغفرت بیورمشدر دیرلردی . اولوقت رسول الله صلی الله
علیه وسلم اقدم من حضرت تری وجه انورلرنده نمایان اوله جق درجه ده غضب بیورددن
صکمه سزک اک تقبکیز والاهی اک ائی بیلنکیز بنم بیورورلردی .

ینه صحیح بخارینک کتاب الایماننده عن عائشة رضی الله عنها ان النبی دخل علیها
وعندها امرأة فقال من هذه قالت فلانة ت ذکر من صلاتها قال علیکم بما تطیقون
فوالله لا یمل الله حتی تملاوا وکان احب الدین الی الله مادام علیه صاحبه) وینه بخارینک
کتاب النکاحنده (عن انس بن مالک رضی الله عنه قال جاء ثلاثة وهط الی بیوت ازواج
النبی صلی الله علیه وسلم یسألون عن عبادة النبی صلی الله علیه وسلم فلما اخبروا کأنهم تقالوها
فقالوا واین نحن من النبی صلی الله علیه وسلم قد غفر الله له ما تقدم من ذنبه و ما تأخر فقال
احدهم اما انا فانی اصلی اللیل ابداء و قال آخر انا اصوم الدم ولا افطر و قال آخر انا
اعتزل النساء فلا تزوج ابداء فجاء رسول الله صلی الله علیه وسلم ایهم فقال اتم الذین قلم
کذا وکذا اما والله انی لا خشا کم لله و اتقا کم له لکنی اصوم و افطر و اصلی و ارقد و اتزوج
النساء فمن رغب عن سنتی فلیس منی . حدیث شریفی مندر جدر .

خانه سعادت کلوب ازواج رسول الله صلى الله عليه وسلم اقدمزدن عبادت عليه لری
سؤال ايله آلدقلى جواب اوزرينه عبادت پيغمبرى بي آز كوروب كيمي بن صاحبه قدر
نماز قيلرم كيمي همرم اولدقجه هر كون اوروج طوتارم وكيمي بن قادينلردن اعتزال ايدرم
ديان اوچ كشي به جواب اعطاسى ضمنده تشریف بيوران رسول الله صلى الله عليه وسلم
حضرتلى بويله ديان سز ميسكز والله بن سزك الله بن اك زياده خشيت و اتقا ايدكزم
آنجق بن اوروج طوتار و افطار ايدرم نماز قيلار و اويورم قادينلرى ده تزوج ايدرم
بنم ستمدن اعراض ايدن بندن دكلدر بيورمش در .
فالحمد لله الذى هدانا لهذا لئله وجعلنا من امته ونسأله التوفيق لاتباع هديه وسنته ونصلى عليه
وآله وصحبه وعترته
دارالحكمة الاسلاميه اعضاسندن

سير نصيب

اوروجك ورمضانك فضيلتلى

هي كس دنيا و آخرته . بختيار اولق ايستر ، دنيا و آخرت بختيارلنى انجق الله
عظيم الشانه قارشو قولاق وظائف حقيقه ايفا ايتمه باغلدير .
هر كيم اللهك اصرينه ، نهينه بويون اكرسه دنياده ، آخرته بختيار اولور . الله ذوالجلال
هر اضرى خيردر ، منفقدر ؟ هر نهيه شر در ، مضرتدر . قوللق وظائف ايچنده
اوروج دنيلان عبادتك اويله بر امتيازى واردركه هيچ بر عبادته اوامتياز يوقدر .
چونكه جناب حق سوكيلى پيغمبرمك لسان ايله « آدم اوغلنك هر عملى كنديسكدر ،
يا لكز اوروج بويله دكلدر ، او بنمدر . انك مكافاتى بن ويريرم » بيور يوره پيغمبرم
اقدامده « اوروج طوتانك نفس قوقوسى قيامت كونده الله تعالى عندده مصك
قوقوسدن دها خوشدر ؟ اوروج طوتانك ايكي سونجى واردر : اوروج بوزدينى زمان
اوروج بوزمنه سوينر ، تكرينه قاروشدينى زمان اوروج طوتديفنه سوينر » ديور .
جناب حق اوروج طوتانه دها بر جوق منفعلدره بخش ايدر :
روحه مضوى برلنت ويرر ، قلبه صفا ويرر ، بزه دائما كوتولكى اصر ايدن نغمى